



UNIVERSITÄTS-
BIBLIOTHEK
PADERBORN

Universitätsbibliothek Paderborn

MARTYROLOGIVM.|| DER Kirchenkalen=||der/

Canisius, Petrus

Dillingen, 1599

VD16 M 1284

30 b Abelgund Junckfraw zů Malbodio.

urn:nbn:de:hbz:466:1-41449

Januarius

rens Aquilini / wellicher auß großem Eyser / durch
Teutschland / Franckreich vnnnd Welschland gezogen /
dass er den Catholischen Glauben wider die Ariant-
schen Secten verthädigte vnnnd beuestiget. Kam dar-
nach wider gen Mayland / da er vmb des Catholi-
schen Glaubens willen / grausame Marter vberstan-
den / vnd also gen Himmel gefahren ist.

Item zu Perus des heyligen Bischoffs vnd Mar-
terers Constantis / so des heyligen Herculani Bischoffs
Jünger / vnnnd von wegen des Glaubens mit andern
sechs Teutschen getödtet worden.

b iij. Calendas Februarij.
Der XXX. Tag im Jenner.

S Antiochia ist heut der Tag des leydens des H.
Marterers Hyppolitii / der zum ersten von des
Kessers Nouati Irthumb betrogen / vnnnd wide-
rumb zur Catholischen Kirchen bekört / ist in derselbigen
endlich ein herrlicher Marterer worden.

Anno Dñi
260.

Item zu Jerusalem des H. Bischoffs Matthei /
der vmb Christi willen vil erlidten / grosse ding gethan /
vnd sein leben im friden geendet. Soll der acht Bischoff
nach S. Jacob zu Jerusalem gewesen sein.

Item des heyligen Marterers Flautiani.

Item in dem Kloster vnd Statt Malbodio inn
Hannonia gelegen / der heyligen Junckfrawen Alde-
gundis / welche zur zeit Dagoberti Königs in Franck-
reich von Edlem Geschlecht geborn / erwöhlet Christum
zu ihrem Brientigam / den sie auch also geliebet / dass sie
ihn vnnnd die Engel / zu ihrem trost offte zu sehen pfleget.

¶

Ist endtlich mit grosser Klarheit des Himmlischen liechts zum ewigen Leben gefahren.

Item des heyligen Alexandri/ welcher in der Decianischen verfolgung / von wegen der Bekannthuss Christi ward für Gericht gestellet/ vnnnd den banden der Gefäncknus vbergeben / dieweil er aber eines betagten grauen Alters / auch ohn vnderlaß inn seinem leyden Gott preysset/ als er von banden zu Gericht / vnnnd vom Gericht wider zu banden geführt ward / ist er vnder den peinen / die einander nachfolgeten / eines seligen ends verschiden. Anno Dñi 254.

Item der H. Bathildis Königin in Franckreich/ Kayfers Lotharij Mütter / welche auß edlem Blüt der Saren geborn/ vnd des Königs Clodouei Ehegemahel war / leget groß Almüßen an die Kirchen vnnnd Armen/ stellet vnbilliche schazung ab / zu gemainem nutz des Fränkösischen Volcks/ bauet zwey Klöster/ gieng inn derselben eins / nach ihres Herren vnnnd Manns Tod / übet sich in aller demüt/ daß sie auch in der Kirchen/ vnd sonst mit den geringsten Schwestern dienete / gab endtlich mit Göttlichem glanz ihren Gaist auff. Anno Dñi 690.

Item selige gedächtnus Anthonij Bilgers von Naphia/ auß dem Geschlecht Manzionum / welcher alle heylige Siätt besüchet / vnnnd im H. E. X. ren entschlaffen ist. Anno Dñi 1267.

Item zu Mayland der heyligen Frawen Sabina/ auß welcher anhalten / heylige Leiber der Marterer Naboris vnnnd Felicis / gen Mayland gebracht seind.